

THE HISTORY OF THE CITY OF LONDON

BY
J. H. B. [Name]

欽定剿平捻匪方略卷一百五十二 壬戌年

七月初二日 癸未 勝保奏言據鄭元善咨稱粵匪

業由裕州葉縣一帶南竄 臣派副將王佐 臣管

帶馬隊一千餘名由鄆城舞陽一路跟蹤追剿

如何接仗情形現尙未據稟報此次 臣帶馬步

三千餘名合之項城兵勇四千名俱由 臣親統

取道項城商水一帶節節前進儻賊勢愈趨愈

南或竄入楚境楚省兵力素稱精銳無難聚而
殲旃豫皖境內捻氛未靖未便越境窮追反致
不能兼顧如竄賊仍盤踞豫境自當實力剿洗
迅殄逆氛彼時察看情形或應赴汝甯會剿或
仍折回太和進擣捻巢仍當酌度陝豫緩急情
形相機辦理

勝保又奏言據袁保慶等稟稱自六月初三日

進攻鯛陽後卽據擒首馬振懇率領本圩及阜陽縣屬之韓馬莊沈邱縣屬之小馬莊共二十寨軍前乞降遵諭一律薙髮擒首連登榜因忿馬振懇等投誠勾結汝擒王殿書來圍鯛陽城寨被馬振懇用礮擊退旋有不期而薙髮投誠者二十二寨前後共投誠四十二寨新蔡之路節次漸通等情臣查馬振懇卽馬丙曾在軍營

充當勇目隨同打仗出力後因勇衆遣散馬振
舉亦卽歸農其時張落刑逆燄方張該處四圍
皆賊馬振舉被脅領旗並非甘心從逆此次大
軍一到首先自拔來歸較之窮蹙乞降及首鼠
兩端者情形迥別伏思用兵之道貴於勦撫兼
施今馬振舉率二十寨投誠其觀感而起者亦
至二十餘寨之多察其情形悔悟出於至誠且

馬振興已與汝捻接仗是反正已有成效若復
絕其自新之路勢必已降者復生反側未降者
從逆愈堅 臣未敢稍涉拘泥當卽准其投誠並
令揀選丁壯五百名隨營效力如能勦賊立功
方准給發口糧仍派妥員親歷各寨妥爲安輯
以堅衆志而弭患萌

勝保又奏言 臣到皖以來於苗沛霖一事力顧

大局專主撫議不但局外之人不諒卽同時操
兵柄者亦鮮以爲然臣力排衆議幸獲有成使
長淮數百里地方復歸王化旣革其叛逆之心
復消其跋扈之跡始西悔罪立功攻克穎上繼
而併力勦賊屢破捻圩後又生擒狗逆將十餘
年未弭之巨患一旦殄除是其立功已有成效
現又進擣捻巢始終不懈亦未必非臣駕馭之

力無如此時議者妄生揣測謂勦撫尙在兩可
之間以致苗沛霖不能不懷疑懼今臣奉

旨西行關中河洛甚屬空虛恐一時未能兼顧皖事

至皖北情形潁郡現紮楚軍太和一路又經臣

留兵鎮守張落刑斷不敢出巢窺伺加以北有

僧格林沁一軍南有苗沛霖攻勦捻巢兩路夾

擊似已足敷勦辦臣將西路逆匪勦除淨盡將

來酌度情形回皖與否皆未可定惟自古不羈
之材譬猶奔蹏之馬撫馭得當無難範我馳驅
一旦控縱失宜卽恐僨輶要駕昨因楚軍到潁
欲攻王圩以立威人情洶洶咸思變亂幸臣趕
到潁郡再三撫循始臻安謐並將王圩與楚軍
互鬪之首犯姚盛鈞斬首示衆民心始定臣於
接見蔣凝學時業將辦理一切苦衷詳述並囑

其妥爲撫馭無兆亂萌蔣凝學當下頗能領悟
至臣離皖後能否遵辦殊未可知臣於臨行時
傳見苗憬開令其傳諭苗沛霖仍竭盡心力勤
賊立功不准稍存意見苗沛霖亦唯唯聽命而
此後爲日正長儻有妒功害能之人專意挑釁
或致意外之虞惟祈

聖明洞察大局幸甚奏入

上命議政王軍機大臣傳諭勝保李續宜曰勝保現擬親督馬步各隊取道項城商水節節前進著將豫省腹地迅速廓清仍懍遵疊次諭旨統率大隊馳赴洛陽駐紮俾各股捻匪不敢再行出擾則豫省西陲益臻穩固勝保如慮西行後不能兼顧皖事恐楚軍與苗練構釁以致兵連禍結收拾愈難李續宜身爲皖撫苗練皆係部民豈肯意存歧視

苗沛霖如果協助官軍攻擣捻巢始終不懈如勝保所稱旣革叛逆之心復消跋扈之跡李續宜豈得以該大臣旣離皖境無故加兵苗練別生事端如苗沛霖反復無常或縱令練衆倚勢作威不受地方官鈐束不但李續宜督兵進剿卽勝保在皖亦應聲罪致討殄除巨憝僧格林沁將來辦理此事必能公道爲心不致偏枯也捻首馬振鰲率領

本圩及阜陽縣屬之韓馬莊等二十寨乞降並有
薙髮投誠者二十二寨新蔡之路節次漸通勝保
察其情形無虞反覆准令投誠隨營效力勝保於
馬振舉等投誠後令其揀選丁壯勦賊立功方准
發給口糧且不遽爲馬振舉等奏請官職辦理甚
合機宜仍著勝保留心察看該逆首等如果真心
歸化自應予以自新之路如係畏懼攻勦暫投乞

命以冀苟延殘喘尙存反覆之心則勝保仍當及早翦除不可稍涉大意

上又命議政王軍機大臣傳諭僧格林沁曰前因豫省河洛喫緊疊諭勝保令其統兵前往駐紮剿辦陝省回竄股匪本日令其仍遵前旨迅赴河洛一帶勝保起程以後卽應責成李續宜接辦苗沛霖在皖如果能恪遵約束諒該撫亦必不爲已甚阻

其自新之路儻苗沛霖仍有跋扈情形李續宜自
不能置之不辦惟勝保離皖後苗沛霖總不免心
懷疑懼自應予以羈縻加以鈐束一切操縱機宜
僧格林沁惟當與李續宜妥密籌商相機辦理

初四日乙酉田在田奏言據宿州烈山兩營稟報

捻首任傳秀等率黨由宿西一路出竄經各營
扼要截擊堵回老巢該處雷單兩圩已情願薙

髮投誠請兵駐紮等語臣飭總兵胡元昌派參將艾憲銀都司王豹文兩隊分赴兩圩駐紮責令獻出各捻家屬認真清理一俟隊伍紮定卽撥宿營馬步及參將呂道宣由蒙村抽帶馬勇來徐一同北剿仍飛探北路竄匪情形先就現有兵力趕緊追擊並飛知臣吳棠通飭東路防兵加意堵禦六月十九日僧格林沁派翼長蘇